

**BOSHLANG'ICH SINF O'QUVCHILARINING MUSTAQIL TA'LIM OLISHLARIDA
DARSDAN TASHQARI ISHLARNING O'RNI VA AHAMIYATI**

<https://doi.org/10.5281/zenodo.10576102>

Niyozova Hilola Yoldoshevna

Geografiya fani o'qituvchisi

Annatatsiya: *So'nggi yillarda mamlakatimiz ta'lism tizimida o'qitishning yangi usullarini qo'llab, ta'lism jarayonini sifat jihatdan tubdan takomillashtirishga, o'sib kelayotgan yosh avlodni har tomonlama bilimli, teran fikrlaydigan, dunyoqarashi keng, ijodkor qilib tarbiyalashga ustuvor vazifa sifatida qaralmoqda. Bu esa zamon talabidan kelib chiqqan holda fanlarni o'qitishda, jumladan, "Tabiiy fanlar" (SCIENCE) darslarida o'quvchilarga amaliy kompetensiyalarini shakllantirishga undaydigan zamonaviy ta'lism usullaridan foydalanish muhim ekanligini anglatadi.*

Kalit so'zlar: "Tabiiy fanlar" (SCIENCE), Atrofimizdag'i olam, tabiatshunoslik, geografiya, biologiya, fizika, kimyo, Qizil kitob

KIRISH

O'zbekiston Respublikasi Prezidentining 2021-yil 30-apreldagi — Ta'lism-tarbiya va kadrlar tayyorlash tizimini tubdan isloh qilish, barkamol avlodni voyaga yetkazish to'g'risidagi PF-6218-sonli farmoniga asosan mamlakatimiz ta'lism tizimida bir qancha ahmiyatga molik o'zgarishlar amalga oshirilmoqda. Xususan, O'zbekiston ta'lism tizimida 2021-2022 o'quv yilidan boshlab 1–6-sinflarda tabiiy fanlarni o'zida jamlagan "Tabiiy fanlar" (SCIENCE) fani joriy etildi. "Tabiiy fanlar" (SCIENCE) o'quvchilarni kichik yoshidan tabiiy fanlarni o'qishga rag'batlantirish, ularda olam haqida yaxlit tasavvur paydo qilishga yordam beradi. Buning bilan bola geografiya, biologiya, fizika va kimyo fanlari qiyin emas, balki qiziq fan ekanini anglaydi va uni o'rghanishga ishtiyoq topadi. Bu fan ta'lism sifatini oshirish uchun mavjud fanlarning integratsion tarzda o'qitilishini ta'minlaydi. Masalan, yomg'ir haqida o'rghanish jarayonida bola uning tarkibi, fizik xususiyatlari, qaysi fasllarda va qayerlarda yog'ishi, yomg'ir ta'sirida Yerda qanday o'zgarishlar bo'lishi, o'simliklar uchun foydasi haqida ma'lumotga ega bo'ladi. "Tabiiy fanlar" (SCIENCE) 1-2-sinfda "Atrofimizdag'i olam", 3-4 sinfda "Tabiatshunoslik", yuqori sinflarda esa 4 ta alohida fan, geografiya, biologiya, fizika (6-sinfdan boshlab), kimyo (7 sinfdan boshlab) fanlarini o'zida birlashtiradi [1].

So'nggi yillarda mamlakatimiz ta'lism tizimida o'qitishning yangi usullarini qo'llab, ta'lism jarayonini sifat jihatdan tubdan takomillashtirishga, o'sib kelayotgan yosh avlodni har tomonlama bilimli, teran fikrlaydigan, dunyoqarashi keng, ijodkor qilib tarbiyalashga ustuvor vazifa sifatida qaralmoqda. Bu esa zamon talabidan kelib chiqqan holda fanlarni o'qitishda, jumladan, "Tabiiy fanlar" (SCIENCE) darslarida o'quvchilarga amaliy

kompetensiyalarini shakllantirishga undaydigan zamonaviy ta’lim usullaridan foydalanish muhim ekanligini anglatadi. Umumta’lim fanlarini o’qitishning uzliksizligi va izchilligini ta’minalash, zamonaviy metodologiyasini yaratish, o’rganilgan bilim, ko’nikma va malakalarni amaliy faoliyatda foydalana olish, ya’ni kompetensiyalarni tarkib toptirish maqsadida dars mashg’ulotlari bilan bir qatorda darsdan tashqari ishlarda mustaqil ta’lim olishning imkoniyatlari juda katta.

ASOSIY QISM

“Tabiiy fanlar” (SCIENCE) bo'yicha o'quvchilar quyidagi faniga oid ilmiy xabardorlik va amaliy kompetensiyalarini egallashlari lozim: Tevarak-atrof haqida ilk tasavvurga ega bo'ladi; jonli va jonsiz tabiat elementlari farqini tushuntiradi; o'simlik va hayvonat dunyosini biladi; cho'l, o'rmon, tog' haqida ma'lumotga ega bo'ladi; kundalik hayotda ob-havo o'zgarishini tushunadi; yil fasllaridagi o'zgarishlarni tushunadi; Quyosh, Yer va Oyni ajratadi; issiqlik va tovush manbalarini biladi; harakatni tushuntiradi. meva, sabzavot va poliz ekinlarini farqlaydi; issiqlik va yorug'lik manbalarini izohlaydi; buyumlarni tortish va itarish orqali harakatga keltiradi; magnit yordamida buyumlarning tortilishi va itarilishini namoyish qiladi; sayyoramizdagi cho'l, o'rmon, tog' va suv havzalarining tabiatini va vulqon, zilzilalar va shamol Yer yuzasini o'zgartirishini biladi; suv havzalari; okean, dengiz, ko'llar va daryolar ta'sirida Yer yuzasi o'zgarishini anglaydi; tabiiy boyliklardan foydalanish to'g'risida dastlabki tushunchaga ega bo'ladi; tabiiy boyliklarga zarar yetkazmaslik va ularni muhofaza qilish yo'llarini biladi; xona haroratini ertalab, tushda va kechqurun havo termometri orqali o'lchab, o'zgarishlarni farqlaydi; Yerning eng issiq va sovuq joylarini amalda ajratadi; yil fasllari almashganda tabiatda yuz beradigan o'zgarishlarni kuzatishlari orqali so'zlab beradi; quyosh sistemasiga kiruvchi sayyoralarni sanaydi; kun va tunning almashinishini Yerning o'z o'qi atrofidagi harakati misolida tushuntiradi va namoyish etadi; energiyani tabiat (Quyosh, shamol, suv, o'simlik va hayvonlar) va inson tomonidan yaratilganligini biladi; quyosh yorug'lik va issiqlik energiyasi ekanligini biladi; tovush qanday hosil bo'lishini biladi; magnit temir buyumlarni tortishini biladi. karam bargida suv va oziq moddalar harakatlanishini kuzatadi; xona o'simliklari misolida o'simliklarning suvsizlikka chidamliligin tajribada tekshiradi; zilzila vaqtida qanday harakatlanishni biladi; ob-havoni haftalik kuzatish natijalarini taqqoslaydi; eng issiq va sovuq joylar tabiatini hamda hayvonlarini farqlaydi; fasllarning o'xhash va farqli jihatlarini tasvirlaydi; kun va tunning almashinuvi, Oyning ko'rinishlarini tasvirlaydi; ishqalanish natijasida issiqlikning hosil bo'lishini namoyish qiladi; uzoqdan va yaqindan eshitishda past va baland tovushlarni ajratadi; O'simlik (madaniy, zaharli, dorivor) va hayvonlarning (umurtqali, umurtqasiz) xilma-xilligini tushuntiradi; odamning organ (yurak, o'pka, jigar, oshqozon) larini bilishini namoyish qiladi; tirik organizmga ta'sir qiluvchi omillarni bilishini namoyish qiladi; relyef va ob-havo haqidagi bilimlarini namoyish qiladi; yer po'stining harakatlari natijasida relyefning o'zgarishini, tog' jinslarining hosil bo'lishini tushuntiradi; suvning Yer yuzasi bo'ylab aylanma harakatini tushuntiradi; o'simliklarni turli usullarni qo'llab, ko'paytira oladi; "Qizil kitob"ga kiritilgan o'simlik va hayvonlar haqida bilimga ega bo'ladi; odamning tashqi muhitga ijobiy va salbiy

ta'siri haqida xulosa chiqaradi; mahalliy belgilarga qarab ob-havoda bo'ladigan o'zgarishlarni oldindan ayta oladi; sun'iy zilzila va shamol ta'sirida to'lqin hosil qiladi, uning yordamida qирг'oqlar yemirilishini tajribada ko'rsatadi; elektr energiyasini shamol, yorug'lik va issiqlik energiyasiga aylanishini tajribada kuzatadi; bir va ikki urug' pallali o'simliklar, parazit hayvonlar hamda zamburug'larning o'ziga xos xususiyatlarini bilishini namoyish qiladi; o'simlik va hayvonlarning hayot siklini izohlaydi; Yerning ichki qismlari, tog'lar va tekisliklarning turlarini o'zaro farqlaydi; foydali qazilmalarni guruhlarga ajratadi; suvning katta va kichik aylanma harakatini tushuntiradi; o'simliklarning suv bug'latishi, nafas olishi, moddalarning tashilishini tajribada kuzatadi [2].

Yuqorida amaliy kompetensiyalarni o'quvchi yoshlarda shakllantirish hamda rivojlantirish uchun kompetensiyaviy yondashuvga asoslangan ta'lim tizimiga o'tmoqda. Kompetensiyaviy yondashuvga asoslangan ta'lim o'quvchilarda mustaqillik, faol fuqarolik pozitsiyasiga ega bo'lish, tashabbuskorlik, mediaresurslar va axborot-kommunikatsiya texnologiyalaridan o'z faoliyatida oqilona foydalana olish, ongli ravishda kasb-hunar tanlash, sog'lom raqobat hamda umummadaniy ko'nikmalarini shakllantiradi.

O'quvchilarda kompetensiyalarni shakllantirish uchun dars mashg'ulotlaridan tashqari vaqtlarida ham mustaqil ta'lim olish juda muhim masalalardan biri hisoblanadi [3]. Mana shunday dars mashg'ulotlaridan tashqari vaqtlarida mustaqil ta'lim olishda maktab o'quv tajriba maydonchasing pedagogik imkoniyalari katta. Chunki, maktab o'quv tajriba maydonchasida, maktab dasturida o'r ganiladigan o'simliklar: dala, poliz, rezavor mevalar, manzarali va yovvoyi o'simliklar bo'lishi kerak. Shunga muvofiq, maydon aniq chegaralangan: landshaftlar, geografik maydoncha, botanika va zoologiya bo'limlarga ega bo'lishi zarur.

Har bir bo'limda o'quvchilarning "Tabiiy fanlar" (SCIENCE) fani yuzasidan amaliy kompetensiyalarni shakllantirish va rivojlantirishga qaratilgan geografik asbob-uskunalar, landshaftlar, o'simlik kolleksiysi, hayvonot olami vakillari maketi uchun joy ajratiladi [4]. Biz quyida botanika bo'limidan qanday qilib mustaqil ta'lim olib amaliy kompetensiyalarni shakllantirish mumkinligi haqida batafsil ma'lumotlar beramiz.

Botanika bo'limi ham o'z navbatida dala, poliz, rezavor meva, manzarali o'simliklar bo'limiga bo'linadi [5]. Dala bo'liminiki: kolleksiya va tajriba qismlarga bo'linadi. Kolleksiya qismi quyidagi dalalarga ajratiladi: birinchi dalaga- donli ekinlar: javdar, bug'doy, arpa, tariq, makkajo'xori; ikkinchi dalaga - dukkakli ekinlar: no'xot, loviya, soya va yem xashak o'tlari, beda; uchinchi dalaga-tolali ekinlar: zig'ir, kanop, moyli ekinlar: kungaboqar, kanakunjut, yeryong'oq; to'rtinchi dalaga - chopiq talab ekinlar: kartoshka, qand va xashaki lavlagilar; beshinchi dalaga dorivor o'simliklar yantooq, yalpiz, isiriq; oltinchi dalaga—texnik ekinlar: g'o'za, kanop ekinlari ekiladi.

Tajriba qismlarida birinchi dalada begona o'tlarni paydo bo'lishi va ularga qarshi kurash, o'g'itlangan va o'g'itlanmagan yerda g'alla ekish. Ikkinchi dalada ekishning yaxshi usulini aniqlash. Uchinchi dalada beda va unga aralashtirilgan pichan hosili. To'rtinchi

dalada kartoshkalarning yer ustki tugunaklarini hosil qilish, chiqiqni ta'siri, kartoshkani ko'paytirish usullari, kartoshkadan yuqori hosil olish.

Sabzovot ekinlari bo'limida - alohida uchastkaga ko'p yillik ekinlar kolleksiyasi: shovul, ravoch o'tqaziladi. Bo'limning qolgan maydonini sabzovot almaslab ekish uchun 4 ta dalaga ajratiladi. 1-dalada: go'ng bilan yangi o'g'itlangan yerga bargli ekinlar, har xil navli karam, pomidor, piyozi. 2-dalada: mevali ekinlar. 3-dalada: mineral o'g'itlar bilan o'g'itlangan yerga ildiz mevali: sabzi, lavlagi, sholg'om, rediska. 4-dalada: dukkakli ekinlar: loviya, no'xat va mosh ekiladi.

Rezavor-meva ekinlari bo'limining katta qismi mevali bog' uchun, kichikroq qismi rezavor-meva ekinlari va pitomnik (parvarishxona) uchun ajratiladi. Kolleksiya uchun bog'ga olcha, nok, do'lana o'simliklarini ekish kerak.

Manzarali o'simliklar bo'limida quyidagi o'simliklar bir yilliklardan: -baxmalgul, ikki yilliklardan: -kartoshkagul, gulsafsar, butalardan- siren, chirmashib o'sadigan o'simliklar-yovvoyi tok, pechakgul.

Bunday botanika bo'limida eng muhim biologiya qonunlarini aniqlashtiruvchi tajribalar o'tkaziladi. Zoologiya bo'limida tajribalar va amaliy ishlar uchun quyonlar, toshbaqalar, tovuqxonalarda tovuqlar, qafaslarda har xil qushlar bo'lishi shart.

O'quvchilar muktab o'quv tajriba maydonchasida ishlab, biologiyadan olgan bilimlarini o'simlik va hayvonlar misolida mustahkamlaydilar. Ular qishloq xo'jalik ekinlarini yetishtirishning va hayvonlar parvarishining zamonaviy usullari to'g'risida tasavvurlar hamda ular bilan ishlash ko'nikmalarini hosil qiladilar. Muktab o'quv tajriba maydonchasiagi ishlar o'quvchilarda tashkilotchilik, jamoatchilik ko'nikmalarini, mehnat madaniyatini, estetik tuyg'ularni, o'simlikni ko'paytirish orqali tayanch va fanga oid kompetensiyalar shakllanadi hamda rivojlanib boradi.

Sabzovot bo'limida o'quvchilar ba'zi bir zararkunandalar, rezavor-meva bo'limida meva daraxtlarning zararkunandalarini ustida kuzatishlar olib boradilar. O'simliklardan mo'l hosil yetishtirish, qalamchadan ko'paytirish, chatishirish, novdalarning chilpishning tasiri, yaxshi o'simliklarni urug'lik uchun ajratish, o'simliklarning namlikka, issiqlikka, yorug'likka talabini o'rganish, mevalarni parxishlab va qalamchalardan ko'paytirish, yovvoyi o'simliklarni madaniylashtirish, chatishirish, payvandlash parxishlab ko'paytirish jarayonida biologik obyekt, hodisa, jarayonlar ustida kuzatish va tajribalarni o'tkazish kompetentligi shakllanadi.

O'quvchilar tajriba yer maydonchalarida ishlaganlarida jismoniy mehnat, harakatli faoliyat jarayonida jismoniy chiniqadi, o'simliklarni parvarish qilish jarayonida tabiatga mehr uyg'onadi shu orqali sog'lom turmush tarzi va ekologik kompetentligi shakllanadi. Bu tajribalarning barchasidan "Tabiiy fanlar" (SCIENCE) I- IV sinflardagi mavzularni o'tishda foydalilaniladi. O'quvchilarda kompetensiyalarni shakllantirish uchun barcha umumiy o'rta ta'lim maktablarida maktab tajriba yer-maydonchalarini maktabning imkoniyatlaridan kelib chiqib tashkil etish lozim. Bu ishlarni amalga oshirish uchun "Tabiiy fanlar" (SCIENCE) o'qituvchilari ma'suliyatli bo'lishlari lozim. "Tabiiy fanlar" (SCIENCE) ni o'zlashtirish

samaradorligini ta'minlashda dars, darsdan va sinfdan tashqari ishlami tashkil etish muhim ahamiyatga ega. Bunda maktab o'quv tajriba-yer uchastkalarini tashkil etish dolzarb vazifadir.

Darsdan tashqari ishlar, uy ishlariga nisbatan murakkabraq bo'lib, ularni bajarish uchun tegishli o'simliklar, maxsus asboblar va boshqa j ihozlar hamda uzoq vaqt talab qilinadi. Darsdan tashqari ishlar jumlasiga hamma mavzularda kuzatish olib borish tajribalar o'tkazish, o'quv jihozlari, ko'rgazma materialini tayyorlash kiradi. Darsdan tashqari ishlar geografiya hamda biologiya xonasida, tirik tabiat burchagida, o'quv tajriba uchastkasida va tabiatda bajariladi. Darsdan tashqari ishlar majburiydir va buning uchun o'quvchilar baho oladilar. 9-sinfdasturidan o'r'in olgan quyidagi mavzular asosida darsdan tashqari ishlarni tashkil qilish lozim. Darsdan tashqari ishlarda belgilangan topshiriqni o'quvchi bajaradigan barcha ishlar ketma-ketligi prezintatsiya qilib namoyish qilib beriladi.

O'quv yili boshida bitta mavzu yoki topshiriq 3-4 ta o'quvchiga beriladi. O'quvchilarga ishning mavzusi, boshlash va tugatish muddatlari belgilab beriladi. Bir o'quvchi bir yilda 1-2 ta darsdan tashqari ish bajarishi kerak [6]. Maktabda tirik tabiat burchagi, o'quv tajriba yer-uchastkasi bo'lmasa o'qituvchi ota-onalar bilan kelishgan holda uy sharoitida bajarishga tavsiya qiladi.

Quyida "O'simliklarning ko'payishi" mavzusidagi darsdan tashqari ishning tashkil qilinishiga doir tavsiyamizni havola qilamiz. "O'simliklarning ko'payishi" mavzusi o'qituvchining kalendar ish rejasi asosida mavzu o'tilishidan 3-4 oy oldin boshlanadi. Dars o'tiladigan sanada ish yakunlanib o'quvchilarga dars uchun tayyor ko'rgazmali material bo'ladi [7].

1. Zarur jihozlarni topish.
2. Ishni bajaradigan o'quvchilarni tayinlash
3. O'quvchilarga ishni qanday olib borishni tushuntirish va har kunlik bajaradigan ishlarini belgilash.

Sinf o'quvchilaridan 3 o'quvchidan iborat 3 ta guruh tanlanadi. Ularning biriga qulupnayning jingalaklar yordamida, ikkinchisiga sarimsoqni piyozchalari, uchinchi guruhga kartoshkani tugimaklari bilan ko'payishini o'rganishni bajarish topshiriladi va shu o'simliklar namunalari o'stirish uchun ularga tarqatiladi. O'quvchilar o'simliklarni belgilangan yerga ekadi va o'qituvchi ko'rsatmalari asosida parvarish qiladi. O'simlikning unib chiqqan vaqtiga, berilayotgan suv, oziq moddalar hisoblab, kuzatish daftariga yozib boriladi. Parvarish qilinib kuzatish daftariga ulardagi o'zgarishlarni yozib boradi. O'quvchilarning ish jarayoni telefonning videotasviriga tushirilib borilsa ish yakunida videoproyektor orqali sinfdoshlariga namoyish qilinishi mumkin. Shu tariqa o'quvchilar kartoshkaning tugenakdan, qulupnayni jingalaklar, sarimsoqni piyozchalar orqali ko'payishini guvohi bo'ladilar.

XULOSA

Maktab o'quv tajriba maydonchasidagi ishlar boshlang'ich sinf o'quvchilarining mustaqil ta'lim olishlarida katta ahamiyat kasb etadi. Shuningdek, o'quvchilarda

tashkilotchilik, hamkorlikda ishlash, mehnat madaniyatini tarbiyalaydi hamda ijodiy fikrlash, tadqiqotchilik layoqqatini, tayanch va fanga oid kompetentliligini shakllantiradi. Shu jarayonda olgan nazariy bilimlarini amaliyotda qo'llashga o'rganadi, TIMSS (Trends in International Mathematics and Science Study) to'rtinchi va sakkizinchi sinflarda matematika va tabiiy fanlar bo'yicha keng joriy qilingan xalqaro baholash dasturiga muvofiq tayyorlanadi hamda ularda PISA topshiriqlarini tushuna olish va bajara olishga doir ko'nikmalar shakllanadi.

FOYDALANILGAN ADABIYOTLAR

1. O'zbekiston Respublikasi Prezidentining 2021-yil 30-apreldagi "Ta'lim-tarbiya va kadrlar tayyorlash tizimini tubdan isloh qilish, barkamol avlodni voyaga yetkazish to'g'risida"gi PF-6218-sonli farmoni.
2. Uralovich, A. O. (2021, November). Problems of geography education in uzbekistan. In Archive of Conferences (pp. 65-69).
3. Abdimurotov, O.U. Kredit-modul tizimi sharoitida bo'lajak geografiya o'qituvchilarining mustaqil ta'limini tashkil etish shakllari. "Pedagogika" ilmiy-nazariy va metodik jurnal. 2023. 4-sون.
4. Vaxobov X., Alimqulov N.R. Sultanova N.B. Geografiya o'qitish metodikasi. T.: Nodirabegim, 2021y.
5. Tolipova J.O, G'ofurov A.T. Biologiya o'qitish metodikasi. Pedagogika olyi o'quv yurtlari uchun darslik. -Toshkent. TDPU, 2007 y.
6. Sharipova D., Xodiyeva D., Shirinov M. "Tabiatshunoslik va uni o'qitish metodikasi" darslik. 2018 yil.
7. Nuritdinova M. Tabiatshunoslik o'qitish metodikasi. T.:O'qituvchi 2005.